



## წარმომადგენლობითი საბჭოს გადაწყვეტილება N07-01/48

„ბსუ-ს აკადემიური პერსონალის ავილირების, აკადემიური და მოწვეული პერსონალის შრომის დატვირთვის განსაზღვრისა და ანაზღაურების გაცემის წესის დამტკიცების თაობაზე“ ბსუ-ს წარმომადგენლობითი საბჭოს 2023 წლის 08 სექტემბრის N07-01/42 გადაწყვეტილებაში ცვლილების შეტანის შესახებ

„უმაღლესი განათლების შესახებ“ საქართველოს კანონის მე-18 მუხლის, „საგანმანათლებლო დაწესებულებების ავტორიზაციის დებულებისა და საფასურის დამტკიცების შესახებ“ საქართველოს განათლებისა და მინისტრის 2010 წლის 1 ოქტომბრის N99/ნ ბრძანების, საქართველოს განათლებისა და მეცნიერების მინისტრის 2007 წლის 14 ნოემბრის №1106 ბრძანებით დამტკიცებული ბსუ-ს წესდების მე-10 და 56-ე მუხლების, „ბსუ-ს აკადემიური პერსონალის ავილირების, აკადემიური და მოწვეული პერსონალის შრომის დატვირთვის განსაზღვრისა და ანაზღაურების გაცემის წესის დამტკიცების თაობაზე“ ბსუ-ს აკადემიური საბჭოს 2023 წლის 05 სექტემბრის N06-01/98 დადგენილების (ცვლილება N06-01/106, 14.09.2023წ. დადგენილებით), წარმომადგენლობითი საბჭოს რეგლამენტისა და წარმომადგენლობითი საბჭოს 2023 წლის 28 სექტემბრის N07-02/11 ოქმის საფუძველზე წარმომადგენლობითმა საბჭომ

### გ ა და წ ყ ვ ე ტ ა :

1. „ბსუ-ს აკადემიური პერსონალის ავილირების, აკადემიური და მოწვეული პერსონალის შრომის დატვირთვის განსაზღვრისა და ანაზღაურების გაცემის წესის დამტკიცების თაობაზე“ ბსუ-ს წარმომადგენლობითი საბჭოს 2023 წლის 08 სექტემბრის N07-01/42 გადაწყვეტილებაში შევიდეს ცვლილება, კერძოდ, N1 დანართის (წესის):

ა) მე-4 მუხლის მე-2 პუნქტი ჩამოყალიბდეს შემდეგი რედაქციით:

„2. „ა1“ კატეგორიის დატვირთვა განესაზღვრება ბსუ-სთან ავილირებულ აკადემიურ თანამდებობის პირს, რომელიც დასაქმებულია მხოლოდ ბსუ-ში ან/და სხვა დაწესებულებაში (ფსიქოლოგიური კლინიკა, სამედიცინო, სასამართლო ან

ზოგადსაგანმანათლებლო დაწესებულებაში), სადაც ხორციელდება ბსუ-ს საგანმანათლებლო პროგრამით განსაზღვრული კლინიკური კომპონენტი/პრაქტიკა.“

**ბ) მე-7 მუხლის მე-3 პუნქტის „გ“ და „დ“ ქვეპუნქტები ჩამოყალიბდეს შემდეგი რედაქციით:**

„გ) **ბ3 და „გ“ კატეგორიის** სამუშაო დატვირთვის მქონე პირებმა - სასწავლო წლის განმავლობაში არაუმეტეს **120 სააუდიტორიო საათისა** (გარდა საგანმანათლებლო პროგრამებით გათვალისწინებული სასწავლო/საწარმოო პრაქტიკის არაუმეტეს 50 საათისა, საბაკალავრო, სამაგისტრო და სადოქტორო ნაშრომის ხელმძღვანელობის საათებისა ან დავალიანებული კრედიტების ფარგლებში შესასრულებელი საათებისა);“

**დ) ბსუ-ს დამმარე/ადმინისტრაციული თანამდებობის** პირმა, რომელსაც არ უჭირავს ბსუ-ს აკადემიური თანამდებობა - სასწავლო წლის განმავლობაში არაუმეტეს **120 სააუდიტორიო საათისა**, ხოლო ბსუ-ს სამეცნიერო თანამდებობის პირმა, რომელსაც არ უჭირავს ბსუ-ს აკადემიური თანამდებობა - სასწავლო წლის განმავლობაში არაუმეტეს **180 სააუდიტორიო საათისა** (გარდა საგანმანათლებლო პროგრამებით გათვალისწინებული სასწავლო/საწარმოო პრაქტიკის არაუმეტეს 50 საათისა, საბაკალავრო, სამაგისტრო და სადოქტორო ნაშრომის ხელმძღვანელობის საათებისა ან დავალიანებული კრედიტების ფარგლებში შესასრულებელი საათებისა);“;

**გ) მე-7 მუხლის მე-4 პუნქტის შემდეგ დაემატოს მე-5 პუნქტი და ჩამოყალიბდეს შემდეგი რედაქციით:**

„5. ბსუ-ს აკადემიური და მოწვეული პერსონალისათვის დასაშვებია ბსუ-ში **მოკლევადიანი გადამზადების კურსების** (მათ შორის პერსონალისათვის ან უსდ-ს მე-3 მისიის ფარგლებში შესასრულებელი აქტივობის ფარგლებში) საათების შესრულება წინამდებარე წესით განსაზღვრული ზღვრული ოდენობის გადაჭარბებით (თუკი სრულდება ძირითადად შაბათ-კვირას ან/და დასაქმებულის ძირითად სამუშაოსაგან თავისუფალ დროს/არასამუშაო საათებში).“.

2. წინამდებარე გადაწყვეტილებაში აღნიშნული ცვლილებების გათვალისწინებით მომზადდეს კოდიფიცირებული „ბსუ-ს აკადემიური პერსონალის აფილირების, აკადემიური და მოწვეული პერსონალის შრომის დატვირთვის განსაზღვრისა და ანაზღაურების გაცემის წესი.

3. ბსუ-ს აკადემიური პერსონალის 2023-2024 სასწავლო წლის შრომითი (აკადემიური) დატვირთვის განსაზღვრის შესახებ ბსუ-ს რექტორის ბრძანებით განისაზღვროს ამავე ბრძანების ამოქმედების პერიოდი და პერსონალის შრომის ანაზღაურების გაანგარიშება (კორექტირების საჭიროება), კერძოდ, 2023-2024 სასწავლო წლის შრომითი (აკადემიური) დატვირთვის შესაბამისი შრომის ანაზღაურება დაანგარიშდეს:

ა) **2023 წლის 02 ოქტომბრიდან - 2023 წლის სექტემბრის კონკურსის შედეგად ახალარჩეულ პერსონალისა და ასევე მოქმედი შრომითი ხელშეკრულების მქონე პირებისათვის** (ვისაც 2023 წლის სექტემბერში კონკურსში არ მიუღიათ მონაწილეობა);

ბ) 2023 წლის 18 სექტემბრიდან/21 სექტემბრიდან - 2023 წლის სექტემბრში ხელახალი კონკურსის შედეგად არჩეულ აკადემიურ პერსონალისათვის (ბსუ-ში შრომითი გამოცდილების მქონე პირები, მათი ახალი კონტრაქტის ამოქმედების შესაბამისი ვადის გათვალისწინებით).

4. გადაწყვეტილება განთავსდეს ბსუ-ს ვებგვერდზე.
5. გადაწყვეტილება დაეგზავნოს ბსუ-ს მართვის ორგანოებს (აკადემიურ საბჭოს, რექტორს, ადმინისტრაციის ხელმძღვანელს და ხარისხის უზრუნველყოფის სამსახურის ხელმძღვანელს), რექტორის მოადგილეებს, ფაკულტეტებს, ბსუ-ს დამოუკიდებელი სამეცნიერო-კვლევით ერთეულებს, სასწავლო პროცესის დეპარტამენტს, საქმისწარმოების სამსახურს (კანცელარია), იურიდიულ დეპარტამენტს, საინფორმაციო ტექნოლოგიების სამსახურს, საფინანსო-ეკონომიკურ დეპარტამენტს, სამეცნიერო კვლევების სამსახურს და აკადემიურ პერსონალს.
6. გადაწყვეტილება ძალაშია ხელმოწერისთანავე.
7. გადაწყვეტილება შეიძლება გასაჩივრდეს კანონმდებლობით დადგენილ ვადაში და წესით ბათუმის საქალაქო სასამართლოში (ქ. ბათუმი, ს. ზუბალაშვილის ქ. N30).

**წარმომადგენლობითი საბჭოს სპიკერი,  
პროფესორი**

**ჯ. კარალიძე**